



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 20. Neophytorum vexatores castigantur.

urn:nbn:de:hbz:466:1-38528

deretur; vinculis soluta, ad escas sylvestres querendas cum aliis captivis, deficiente viatico, ire permissa est. Puellæ hac specie libertatis inescatae, & insuper infame servitium detestatae, in mentem venit, benè se facturam, si de fugâ cogitaret. Unica forocula inter prædones relictæ conceptum fugæ desiderium perturbabat; dumque animo pensaret quid sibi conducibilis foret, an sui solius libertas, an fôroris in captivitate consortium; hanc videt ad pabulandum etiam emissam rectâ ad se ventitare, communicatoque consilio, ambæ per ingentem inanemque centum leucarum soliditudinem, tygribus & feris pñè tantum perviam, densis nemoribus per intervalla horridam, adolescentे uno uruisque nepote (qui se illis ita instigante Deo coniunctum venerat) comitante, fugam è vestigio arripuerunt. Noctu incedebant, nocturni horroris, quâm diurni caloris patientiores. Ab trito itinere consultò deflectebant, ne prædones vestigia sua relegentes è fuga revocarent. Solent Gualachi, Indorum ferocissimi, per hæc deserta loca aut venando, aut latrocinando excurrere, quorum manus noctu silendo progredientes feliciter evasere. Post pauculos dies radicibus ignotis & tenerioribus arborum foliis vicitandum illis fuit. Post mensem integrum ad Utvaicam tandem viribus defæctissimi pervenire, in cuius littore cymbam reperire non multò magis quâm trium capacem, rimas undequaque agentem; quibus pingüilimo obductis, sine remo & velo, sine gubernaculo & duce, se secundo flumine labi permisere. Processerant aliquantulum, quando alteram cymbam longè vident adverso fluvio totis remis ascendere, cuius gubernator ambarum sororum pater etat, qui paulò antequâm hæc contingenter cum uxore & filiis ex eadem servitute Mbororeum transfugera, & gratiæ baptismalis factus particeps alios jam, ut ejusdem boni consortes fierent, cum Apostolicis excursoribus per diversa loca repentinus animarum indagator investigabat. Puellæ cymbam hanc Mamalucorum esse arbitrantes à fluminis cursu declinavere, & manibus pro palmulis utentes, patris manus, quem maximè queritabant, in littorales sylvas dilapitæ, evitavere: Mbororensibus, & ambarum patre, diu quæstâ prædâ frustatis, eò unde venerant redite coactis. Sed fugientes puellæ in alterum ejusdem consiliî excusorum manipulum paulò post incurrere, à quibus se non gravare portari concedentes, eo temporis momento Mbororeum ingressæ sunt, quo earum pater ex utili licitaque piratica redibat: qui ut filias & nepotem vidit, agnoscitque, uberrimè primum flere, deinde carissimum ternionem expansis ulnis amplecti, tantâ teneritudine, tantaque gestientis animi significatione, cœpit, ut omnes incolas ad rei novitatem acciverit: inter quos utrariumque puellarum mater accurrens, nescia suæ felicitatis, ut coram se perspexit, quas sine dubitatione hostium prædam esse noverat, diu sibi credere noluit; donec palpans & oculos fricans, somniique suspicionem deponens, suprà quâm dici potest tenerimè filias ab se genitas amplexa est. Nec fratres minori alacritate fôrores exceperunt: omnibus simul insperatissimo occursu attornitis. Nostri Patres advenas ad templum doctrinæ & moribus Christianis imbutos, non diu post solemnî pompâ Baptismo initiativere. Denique parentes in grati animi testimonium carissima pignora MARIAE Cœli Reginæ, affectorum asylo, conceptis piisque verbis dedicavere.

PO TENS Utvaicæ Casiquius Religioni Christianæ, adeoque Societati infensus, amicitiam cum prædonibus ideò iniverat, ut utrique nocerer; & eò processerat odium, ut aliquoties perforâit navim, in qua navigabat, multis è popularibus suis per summam perfidiam prædonibus traditis. Mamaluci, injustæ utilitati velificantes, in incitamentum continuandæ perfidiae hominem inani potestatis titulo totius Utvaicæ, circumfluentiumque fluminum dominatorem, tradito ducali baculo, suâ, hoc est nullâ, autoritate, acclamavere: qui umbratili dignitate ferox, per plures annos ingentibus damnis Neophytorum nostrorum finibus illatis, non parum rem Mamalucorum auxit. Donec tandem, exigui perfidiae pretii pertulit, turpi amicitiae huncium remittens, cum fidissimis satellitibus fugam capesseret: è qua retractum, proditionisque suspicione insimulatum, & nequicquam antiqua servitia obtudentem, Mamaluci obtruncârunt; dæmonum more, qui obsequia

fibi

De fugâ de-liberant.

Cymbam re-periunt.

Ab patre suo declinant.

Et ab matre sua agno-scuntur.

Baptizan-tur.

CAPUT
XX.
Neophyto-rum vexa-tores casti-gantur.

Perfidia pra-mum.

Sycophanta
paena.

Bis mille &
septingenti
baptizan-
tur.

CAPUT
XXI.
De Alfonso
Nieto de
Herrera.
1643.

Vocatio ejus
ad Religio-
num.

Heroicum
factum.

Cœlitus com-
pensatum.

Lemures Di-
vi Ignatii
ope abacilli.

sibi ab mortalibus præstata acerbitate suppliciorum compensant. Casiquius alter, prototypa calumniandi prurigine, & corporis enormissimâ mole famosus, jactantiâ, quâ etiam multûm pollebat, Parres nostros ad necem, & præstantissimas Christianorum fœminas ad libidinem, destinare solebat, affirmans se non quieturum quo adulque Urvaicæ & Paranæ colonias evertisset. In cuius loquacitatis vindictam, Deo irato, tandem poenas dedit: nam eo die, quo insolentissimè in nostros debacchatus fuerat, Mamaluci uxorem ejus crudeliter trucidarunt, & eodem tempore dum nescio quid in sylvis agitat, crux sibi fregit. Ad inconditos læsi hominis clamores accurreré Mbororéenses Indi, illâc iter facientes, qui indubie sumpsissent de notissimo sycophanta supplicium, nî unus è Sociis, illâc quoque forte permeans, vindices manus repressisset, docens malum bono à Christianis, rependi debere. Jussit itaque hominem ad oppidum deferri, ubi cum Catechesi mansuetudine imbutus, ex lupo, Sacramentorum ope, ovis effectus est. Japeïvenses exploratores aliquot familias, nomen Christo daturas, in oppidum suum induxerunt. Neophytus adolescens Gualachum, ab tytide laceratum, in sylva Sacramentali aquâ legitimis verbis, quæ saepius à Patribus dum sacrifaciam ageret inaudierat, abluit: & pauculi alii ex eadem natione Fidem profitentes Baptismum meruerunt. Apud Paranenses & Urvaicenos, Socii hoc anno bis mille & septingenta circiter capita sacro Fonte immersere.

CORDUBENSIS Collegii rem familiarem non parùm minuit infecti aëris intermixties, pecoribus æquè ac hominibus infesta, sed auxit Alfonsi Nieto de Herrera, variis in republicâ functi muneribus, in Societatem nostram admissio, qui septuagenario duobus annis minor, quadraginta post uxoris mortem diebus, donatis viginti millibus ducatorum, frater noster effectus est. Magnum momentum attulit tam sano consilio ejus nepos & hæres, nuper ex Europa advectus, qui cogitabundum senem adorans, candidè aperuit, se institutæ navigationis pertæsum, pro adeptione bonorum adeò incertorum, impostorū ad portum vela velle vertere, ad quem, æternorum spe, JESU Societas invitaret. Ad hæc, lacrymis obortis, in amplexum nepotis bonus senex ruens, & se eadem consilia agitare professus, unanimi consensu Societatem nostram illico ambierunt, & obtinuerunt. Quamquam altius ego arbitror petendam esse hujus vocationis originem. Nam ante annos plures, cùm noster Alfonsus honestissimum in republica locum tenens, ab nobili viro temerè alapâ percussus, non sine verborum injuria, fuisse, & Magistratus percussorem in teturum carcerem plectendum duci jussisset, nihilque prius esset quam ut deformaretur: Alfonsus Nictus, post spectatam domi nostræ in Cruce pro hostibus suis orantis effigiem, ita permotus est, ut in gemitus & lacrymas effusus, comitantibus pluribus civibus, ad carcerem convolaret, ubi ad hostis pedes provolutus, traditis in ejus manus litis adornatae instrumentis, non ante destitit, quam ab magistratu indemnitatē impetraret; palam professus, si quid multæ pecuniariae pro delicto reus solvere juberetur, se pro eo soluturum. Vix domum se receperat, quando ad eum confluxere gratulationis ergo Episcopus, & urbis primores, egregium factum prout merebatur in cœlum extollentes. Nec parcum fuit cœlum in cohonestando homine, & bonus JESUS creditus est ideò senem septuagenario proximum in Societatem suam vocasse, quod se heroicæ patientiæ imitatorem habuisset: & optimus vir perseveravit partum inter JESU Socios locum illustribus, virtutibus usque ad mortem exornare. Antequam Societati JESU se manciparet Divum Ignatium senserat beneficium. Infesti lemures susque deque domi ejus omnia habebant, lapidum iteratâ jactatione molestissimi, quorum importunitatis iocose impatiens, è Divi Francisci familiâ Monachus, qui tum bono seni aderat consolator, inquietis geniis improperat, parcitatem, identidem dicens, si lapides projicere vellent, tales demum essent, quales Cholcalensis in Peruvia argentifodina, ducentas leucas distita, patet. Nec mora, ingentem lapidem argenteis venis & cortice varium, vi magnâ ejaculantur, non sine omnium stupore: ob id adhibitus sacro-sanctis Ecclesiæ imprecationibus, fyngrapha tandem D. Ignatii infesta